



USAID
FROM THE AMERICAN PEOPLE



Projekat „Osnaživanje i rehabilitacija osoba sa invaliditetom u BiH“

Savez organizacija za podršku osobama sa intelektualnim teškoćama FBiH- SUMERO implementira projekat „Osnaživanje i rehabilitacija osoba sa invaliditetom u Bosni i Hercegovini“. Projekat je podržan od USAID misije u Bosni i Hercegovini uz pomoć američkog naroda.

Projekat je nastao iz potrebe da se humanizuje i modernizuje sistem pružanja usluga socijalne zaštite za osobe sa invaliditetom u lokalnoj zajednici, a što je i obaveza države BiH kao potpisnice UN Konvencije o pravima osoba sa invaliditetom.

Cilj ovog projekta je poboljšanje usluga socijalne zaštite za osobe sa invaliditetom u BiH kroz uspostavu Centara za osnaživanje i rehabilitaciju širom Bosne i Hercegovine. Projekat će se, pored Sarajeva, implementirati sa partnerskim organizacijama i u drugim područjima u BiH, i to u Prozoru - Udruga roditelja djece s posebnim potrebama "Djeca nade", Bugojnu - Udruženje roditelja, građana i prijatelja za pomoć djeci i omladini sa posebnim potrebama "Leptir i Odžaku - Udruga roditelja, djece i osoba sa posebnim potrebama "Kuća nade".

Dugoročni cilj je da svako mjesto u BiH ima svoje centre za osnaživanje i rehabilitaciju. Centri za osnaživanje i rehabilitaciju će pružati usluge svojim korisnicima (osobama sa invaliditetom i njihovim porodicama) u području samostalnog življenja, samoodređenja, samozastupanja, osnaživanja njihovih kapaciteta, planiranja usmjerenog na osobu, realizacije prava, rehabilitacije, edukacije i brojnim drugim oblastima.

Pored uvođenja novih usluga podrške za osobe sa invaliditetom, dodatni cilj projekta je i smanjivanje predrasuda društva u cjelini prema osobama sa invaliditetom. Za realizaciju ovog cilja organizovaće se edukacije za učenike osnovnih i srednjih škola i za studente, kao i praktične aktivnosti koje će doprinijeti smanjenju predrasuda. Jedna takva aktivnost je i „Idemo na kafu“, u kojoj će učenici i studenti zajedno sa osobama sa invaliditetom izlaziti u grad i međusobno se upoznavati. Brojna istraživanja su pokazala da je ovo najbolji način za eliminaciju predrasuda.

Da bi se unaprijedio i modernizovao sistem pružanja servisa podrške za osobe sa invaliditetom, neophodno je i promijeniti i dopuniti neke zakone. S tim u vezi organizovaće se i okrugli stolovi koji će identifikovati zakonske i statutarne prepreke za implementaciju ovog projekta i ponuditi konkretne prijedloge za njihovo prevazilaženje. Okrugli stol „Moderni pristup u pružanju usluga u oblasti socijalne zaštite za osobe sa invaliditetom u BiH“ ima za cilj da ponudi prvi korak u ovom smjeru.

Na kraju, još jedna aktivnost u okviru ovog projekta je i studija o kvaliteti života osoba sa invaliditetom u BiH. Rezultati ovog istraživanja ukazaće nam na trenutni kvalitet života osoba sa invaliditetom u BiH i identifikovati glavne prepreke za poboljšanje kvalitete života. Pružanjem

Ovaj materijal je objavljen uz podršku američkog naroda preko Američke agencije za međunarodni razvoj (USAID). Savez SUMERO je odgovoran za sadržaj materijala i stavovi koji su u njemu izneseni ne odražavaju stavove USAID-a ili Vlade Sjedinjenih Američkih Država.



modernih servisa podrške osobama sa invaliditetom značajno će se poboljšati kvalitet života osoba sa invaliditetom i njihovih porodica.

Ovaj materijal je objavljen uz podršku američkog naroda preko Američke agencije za međunarodni razvoj (USAID). Savez SUMERO je odgovoran za sadržaj materijala i stavovi koji su u njemu izneseni ne odražavaju stavove USAID-a ili Vlade Sjedinjenih Američkih Država.